



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-1-4931-1/11
Sarajevo, 30.06.2011. godine

SVIM BUDŽETSKIM KORISNICIMA

Predmet: Instrukcija za izradu dinamičkog plana budžetskih korisnika po Odluci o privremenom finansiranju institucija BiH za period juli – septembar 2011. godine

Na osnovu člana 11. Zakona o finansiranju institucija Bosne i Hercegovine («Službeni glasnik BiH» broj 61/04 i 49/09), Vijeće ministara Bosne i Hercegovine na 154. sjednici održanoj 29.06.2011. godine donijelo je Odluku o privremenom finansiranju Institucija BiH i međunarodnih obaveza BiH za period juli – septembar 2011. godine.

U skladu s navedenom Odlukom, a u cilju održavanja budžetske ravnoteže svi su budžetski korisnici dužni Ministarstvu finansija i trezora BiH **najkasnije do 15.07.2011. godine** podnijeti **prijedloge operativnih budžeta za juli, avgust i septembar 2011. godine** za tekuće izdatke (bez kapitalnih izdataka i tekućih grantova) **uz zahtjev s adekvatnim obrazloženjem analitičkih kategorija** i iste dostaviti u elektronskoj formi na CD-u. Ukupan iznos operativnih budžeta za treći kvartal 2011. godine ne može biti veći od 1/4 sredstava usvojenih u Budžetu institucija BiH i međunarodnih obaveza BiH za 2010. godinu. **Obavezuju se korisnici da rasporede rashode po prioritetima izvršenja, s tim da će Ministarstvo finansija i trezora BiH, s obzirom na ograničenost priliva prihoda, razmotriti predložene zahtjeve korisnika za raspored rashoda u skladu s prioritetima izvršenja definisanim u članu 18. Zakona o finansiranju institucija BiH („Službeni glasnik BiH“ broj 61/04 i 49/09).**

U skladu sa zaključkom Vijeća ministara BiH sa 154. sjednice od 29.06.2011. godine obavezuju se budžetski korisnici da **„nastave s uštedama na svim stavkama tekućih rashoda, a posebno na troškovima reprezentacije, službenih putovanja, telefona i slično“.**

Budžetski korisnici ne mogu započinjati nove ili proširene programe i aktivnosti dok se ne odobre u Budžetu institucija BiH za 2011. godinu. Također, budžetski korisnici ne mogu započinjati nove procedure zapošljavanja državnih službenika i namještenika do usvajanja Budžeta institucija BiH za 2011. godinu.

Dinamičke planove (tablice) popuniti u skladu s *Instrukcijom o načinu izrade operativnih planova za izvršenje Budžeta institucija BiH za 2010. godinu i o načinu praćenja programa posebnih namjena* br. 01-05-16-3-1/10 (www.trezorbih.gov.ba). Dinamičke planove za Programe posebnih namjena finansiranih iz sredstava donacija i udruženih sredstava, potrebno je posebno iskazati i rashode rasporediti po ekonomskim kategorijama na osnovu priliva namjenskih sredstava. Započeti višegodišnji projekti, namjenske donacije i udružena sredstva, za koje su prenesena namjenska nerealizovana sredstva iz 2010. godine nastavljaju se realizovati u 2011. godini.

Na osnovu Odluke o privremenom finansiranju institucija BiH i Odluke o preuzimanju poslova, objekata, sredstava za rad i zaposlenih između Ministarstva sigurnosti Bosne i Hercegovine, Državne agencije za istrage i zaštitu i Direkcije za koordinaciju policijskih tijela Bosne i Hercegovine ("Službeni glasnik BiH", broj 94/10), u periodu juli – septembar 2011. godine odobren je Direkciji za koordinaciju policijskih tijela Bosne i Hercegovine iznos do 6.300.000 KM.

U skladu s navedenim, u periodu juli – septembar 2011. godine, sredstva za finansiranje Ministarstva sigurnosti Bosne i Hercegovine bit će umanjena za 185.000 KM (24 zaposlena koje preuzima Direkcija), a Državnoj agenciji za istrage i zaštitu za 5.897.000 KM (766 zaposlenih koje preuzima Direkcija). Iznos od 218.000 KM odnosi se na finansiranje troškova Direkcije za koordinaciju policijskih tijela analogno odobrenim sredstvima budžetske rezerve u 2010. godini.

Izvršavanje Budžeta institucija BiH u dijelu rashoda operativno će se usklađivati s dinamikom ostvarenja prihoda predviđenih Budžetom.

S poštovanjem,

PRILOG:
Tablice 1-4

MINISTAR

Dragan Vrankić